



MEMORANDUM BASHKËPUNIMI

Ndërmjet

Projekti: “INTEGRA - Nxitja e riintegritimit të qëndrueshëm lokal të grave dhe të rinjve të kthyer dhe njerëzve të cenueshëm lokalë në Kosovë”

i përfaqësuar nga
Fondacioni për Zhvillim të Qëndrueshëm Ekonomik - PREDA Plus Kosovë
dhe
WEntrepreneur

më tutje - Autoriteti Zbatues

dhe

Komuna e Vushtrrisë

më tutje - Komuna Partnere

Hyrje

Projekti “Nxitja e riintegritimit të qëndrueshëm lokal të grave dhe të rinjve të kthyer dhe njerëzve të cenueshëm lokalë në Kosovë” i njohur gjithashtu si INTEGRA është një projekt i financuar përmes “Perspektive Heimat” ose “Perspektiva Atdhe” i cili synon të mbështesë të kthyerit dhe popullsinë e cenueshme lokale, për të bërë një fillim të ri, në vendin e tyre të origjinës. Projekti financohet nga Ministria Gjermane për Bashkëpunim dhe Zhvillim Ekonomik – BMZ dhe po zbatohet nga Fondacioni për Zhvillim të Qëndrueshëm Ekonomik – PREDA Plus Kosovë në partneritet me WEntrepreneur Kosovë dhe me mbështetjen e Arbeiter Samariter Bund – ASB. Projekti ka filluar më 1 dhjetor 2022 dhe do të zbatohet deri më 31 gusht 2025.

INTEGRA synon integrimin social dhe ekonomik në vendin e origjinës të të kthyerve, si dhe grupeve në rrezik, që do të kenë një perspektivë për të qëndruar, nëpërmjet ngritjes së kapaciteteve, punësimit dhe vetëpunësimit, që do t'u mundësojë atyre të gjenerojnë të ardhura për familjet e tyre dhe të ndërtojnë jetën e tyre në Kosovë. Një veprim i tillë është i rëndësishëm si nga këndvështrimi i integritimit social ashtu edhe nga këndvështrimi i ndjeshmërisë ndërkombëtare lidhur me çështjet e migracionit.

Neni 1. Qëllimi

Qëllimi i këtij Memorandumi për Bashkëpunim (MB) është të sigurojë një kornizë për bashkëpunimin e ardhshëm ndërmjet palëve, duke përshkruar përgjegjësitë dhe angazhimin e ndërsjellë për të mirën e një zbatimi të suksesshëm të Projektit.

Neni 2. Fushat e Bashkëpunimit

INTEGRA synon drejtpërdrejt individë si gra dhe të rinj të kthyer dhe persona nga grupet në rrezik që do të kenë një perspektivë për të qëndruar, por edhe zyrtarë të qeverive lokale dhe qendrore. Përveç kësaj, sa herë që është e mundur, projekti do të sigurojë angazhimin dhe bashkëpunimin e komuniteteve përkatëse.

Projekti ka 5 komponentë kryesorë të cilët janë të ndërlidhur për të siguruar arritjen e objektivit të projektit:

Komponenti 1. Forcimi i kapaciteteve dhe shkëmbimi i përvojave ndërmjet 35 përfaqësuesve të pushtetit lokal dhe qendror

Ky aktivitet paraqet një pjesë të rëndësishme të projektit pasi ndërton/rrit aftësitë e zyrtarëve të qeverisë lokale dhe qendrore dhe u ofron atyre mundësinë për të ndarë përvojën e tyre në punën e përditshme me të kthyerit dhe nevojat e tyre më urgjente. Ata do t'i bashkohen Ekipit të Projektit në hartimin e Skemave të Granteve për të kthyerit, por gjithashtu do të marrin pjesë në vizitat

Implemented by:

monitoruese. Kjo do t'i ndihmojë ata që në të ardhmen, të nisin dhe/ose menaxhojnë skema të tjera të tilla, të financuara nga Qeveria e Kosovës ose komunat përkatëse.

Komponenti 2. Ndërtimi i aftësive i 120 personave të kthyer dhe personave nga grupet në rrezik, në Planifikimin dhe Menaxhimin e Biznesit dhe sigurimi i të mirave materiale/kapitale për 100 biznese të reja

Përfitues të këtij aktiviteti janë kryesisht gratë dhe të rinjtë e kthyer, por edhe personat nga grupet në rrezik, të interesuara për të krijuar biznesin e tyre. Mbështetje në formën e pajisjeve do t'u ofrohet individëve që vijnë me ide novatore; mbulojnë sektorë të mangët në tregun vendas, ose ofrojnë shërbime dhe produkte që zëvendësojnë ato që importohen dhe ato që janë miqësore me mjedisin. Shembuj të llojeve të profesioneve/ideve të biznesit që do të mbështeten, janë: dizajnerët, specialistët e IT-së, zhvilluesit e uebit, kultivuesit e ushqimit organik, përpunuesit e ushqimit etj.

Komponenti 3. Sigurimi i kompetencave dhe rikualifikimi i 50 përfituesve të përzgjedhur përmes Trajnimit të Arsimit Profesional

Mungesa e profesioneve specifike në Kosovë po bëhet gjithnjë e më e evidente. Për të adresuar këtë problem, Projekti planifikon të identifikojë individë që janë të interesuar të plotësojnë këto boshllëqe, por edhe të gjenerojnë të ardhura të qëndrueshme.

Projekti synon të tërheqë individë që janë të interesuar të kualifikohen për sektorë të mangët, por edhe për ata që dëshirojnë të rikualifikohen dhe të zotërojnë një gamë të re aftësish.

Komponenti 4. Ofrimi i mundësive të punësimit të lehtësuar në kompanitë ekzistuese, për 60 përfitues

Përmes këtij aktiviteti, Projekti synon t'u ofrojë punësim solid 60 grave dhe të rinjve të kthyer, në industrinë që kanë më shumë nevojë për to. Angazhimi i tyre mund të jetë me një punëdhënës të vetëm ose të më shumë të tillë. Poashtu, ngritja e kapaciteteve të tyre, do të varet nga aktiviteti ku do të angazhohen. Projekti do t'u ofrojë punëdhënësve mbështetje në formën e pajisjeve, për çdo përfitues të punësuar.

Komponenti 5. Krijimi i 5 Qendrave të Angazhimit të Komunitetit (QAK)

Projekti synon të mbështesë komunitetet në të cilat jetojnë të kthyerit dhe grupet në rrezik. Për të plotësuar nevojat e grupeve të synuara, projekti do të krijojë Qendrat e Angazhimit të Komunitetit (QAK), në 5 komuna të ndryshme. QAK paraqet një qendër për reflektim dhe edukim, në të cilën gratë identifikojnë temat sipas përzgjedhjes së tyre dhe angazhohen rregullisht në aktivitetet e planifikuara. QAK do të shërbejë si një hapësirë e sigurt për gratë për të diskutuar tema të ndryshme duke përfshirë ato që përndryshe nuk do të ndiheshin rehat t'i diskutonin për shkak të ndjeshmërisë kulturore. Në QAK do të organizohen seminare, tubime sociale dhe ngjarje të tjera për të promovuar dhe përkrahur qytetarinë aktive përmes bashkëpunimit dhe ndërveprimit me komunitetin.

Themelimi i qendrave të tilla është subjekt i një procesi konkurrues ndërmjet të gjitha komunave përfituese.

Implemented by:

Neni 3. Përgjegjësitë e Autoritetit Zbatues

Në përputhje me komponentët dhe rezultatet e pritshme të përshkruara në Nenin 2, Autoriteti Zbatues do të sigurojë një zbatim të suksesshëm të të gjitha aktiviteteve duke:

- Ofruar Ndhimën Profesionale për përfituesit e projektit dhe Komunitat Partnere.
- Siguruar aftësimin e personave/përfituesve të Projektit, të cilat do të rriten në një nivel të kënaqshëm.
- Zbatuar praktikat më të mira në Zhvillimin e Biznesit dhe mbështetjes për bizneset filestare.
- Ofruar bizneseve ekzistuese qasje në njohuri të avancuara.
- Zbatuar gjatë gjithë kohës, nivel të lartë të transparencës dhe paanshmërisë.

Neni 4. Përgjegjësitë e Komunitat Partnere

Komunitat Partnere do të sigurojë ekzistencën e një niveli dhe cilësie të mjaftueshme e informacioneve që do t'i ofrohen Autoritetit Zbatues, për nevojat e zbatimit të aktiviteteve të Projektit. Në raste kur paraqitet nevoja, Komunitat Partnere do të ofrojë personelin e saj në mënyrë që të ndihmojnë në zbatim të suksesshëm të aktiviteteve të Projektit.

Neni 5. Natyra jo-kontraktuale e marrëdhënieve

Palët bien dakord që ky Memorandum përfaqëson Mirëkuptimin e ndërsjellë dhe nuk është menduar dhe as nuk do të konsiderohet si kontratë dhe nuk do të krijojë asnjë të drejtë dhe detyrim sipas kontratës. Asgjë që përmbahet këtu nuk do të interpretohet në mënyrë që të përbëjë një partneritet sipërmarrësie të përbashkët ose një organizatë formale biznesi të çfarëdo lloji ndërmjet Palëve ose në mënyrë që të përbëjë njëra Palë si agjent i tjetrit.

Palët pranojnë që ky Memorandum nuk sjell në asnjë mënyrë ndonjë të drejtë ose leje për t'u përdorur ose për t'u lidhur me pronën intelektuale të secilës Palë.

Neni 6. Hyrja në fuqi

Ky Memorandum hyn në fuqi, në datën e nënshkrimit dhe zgjat deri më 31. Gusht. 2025, datë kjo që përfaqëson edhe fundin e Projektit.

Neni 7. Përfundimi

Secila palë mund ta ndërpresë këtë bashkëpunim duke i dhënë palës tjetër, një njoftim tridhjetë (30) ditësh me shkrim. Në rast të ndërprerjes së pjesëshme, njoftimi i tillë do të përcaktojë se cilat fusha të ndihmës janë prekur.

Neni 8. Gjuha

Ky Memorandum është përgatitur në tri origjinale, një në Gjuhën Angleze dhe dy në Gjuhën Shqipe. Autoriteti Zbatues do të merr një original në Gjuhën Angleze dhe një në Gjuhën Shqipe ndërsa Komuna Partnere do ta merr një original në Gjuhën Shqipe.


Palët Nënshkruese:

Në emër të Autoritetit Zbatues:

Emri: Valentin Hoxha

Titulli: Drejtor i Projektit

Nënshkrimi:



Data:

12.01.2023

Në emër të Komunës Partnere

Emri: Ferit Idrizi

Titulli: Kryetar

Komuna: Vushtri

Nënshkrimi:



Data:

12.01.2023



Implemented by:



plus
PREDA

